

სახელმწიფო შესყიდვების შესახებ ხელშეკრულება #192

ქ. სამტრედია

14 დეკემბერი 2016 წელი

ერთის მხრივ სამტრედიის მუნიციპალიტეტის გამგეობა (შემდგომში "შემსყიდველი") წარმოდგენილი გამგებლის ვალერიანე ფოცხვერიას სახით და მეორეს მხრივ, შ.პ.ს ტელერადიოპრესკომპანია „ზარი“ (შემდგომში მომწოდებელი), წარმოდგენილი მისი ხელმძღვანელის ოთარი თევზაძის სახით, სახელმწიფო შესყიდვების შესახებ კანონის პირველი მუხლის მესამე პრიმა პუნქტის „ლ¹“ ქვეპუნქტის შესაბამისად სახელმწიფო შესყიდვების შესახებ კანონის მე-8 მუხლის შესაბამისად ადასტურებენ რომ არ იმყოფებიან ერთმანეთთან ინტერსთა კონფლიქტში, სახელმწიფო შესყიდვების შესახებ კანონმდებლობის და სამტრედიის მუნიციპალიტეტის გამგებლის 2016 წლის 13 დეკემბრის #37 1683 ბრძანების საფუძველზე დებენ წინამდებარე შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. "ხელშეკრულება სახელმწიფო შესყიდვების შესახებ" (შემდგომში - ხელშეკრულება) - შემსყიდველს და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ხელშეკრულება შედგენილია 2 თანაბარი იურიდიული ძალის მქონე ეგზემპლარად ქართულ ენაზე, აქედან ერთი ეგზემპლარი გადაეცემა მიმწოდებელს, მეორე - შემსყიდველს.
- 1.2. "ხელშეკრულების ღირებულება" - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. "დღე", "კვირა", "თვე" - კალენდარული დღე, კვირა, თვე.
- 1.4. "შემსყიდველი" - ორგანიზაცია, რომელიც ახორციელებს შესყიდვას.
- 1.5. "მიმწოდებელი" - პირი, რომელიც ახორციელებს მომსახურეობის გაწევას, ხელშეკრულების ფარგლებში.
- 1.6. მომსახურეობა - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანს წარმოადგენს სამტრედიის მუნიციპალიტეტის მიერ 2016 წლის განმავლობაში ტელევიზიით სოციალური რეკლამის განსათავსებლად მომსახურების შესყიდვა შემსყიდველის მოთხოვნის შესაბამისად და შპს „ტელერადიოპრესკომპანია „ზარის“ ეთერში გაშვება.

CPV კოდი 9220 0000- რადიო და სატელევიზიო მომსახურეობები

3. ხელშეკრულების ღირებულება

- 3.1 ხელშეკრულების ღირებულება შეადგენს 10000 (ათი ათასი) ლარს.
- 3.2 ხელშეკრულების ღირებულება მოიცავს ხელშეკრულებით გათვალისწინებული მომსახურეობის გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს
- 3.3 ყოველი კონკრეტული მომსახურეობის ღირებულება რეგულირდება ხელშეკრულების დანართში დაფიქსირებული ფასების შესაბამისად

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით ეროვნულ ვალუტაში.
- 4.2 ხელშეკრულებით გათვალისწინებული ანგარიშსწორება განხორციელდება ეტაპობრივად საგადასახადო დოკუმენტაციის ან/და მიღება-ჩაბარების აქტის დამოწმებიდან 20 დღის ვადაში.

4.3. შემსყიდველის მიერ თანხის ანაზღაურება მოხდება მიმწოდებლის მიერ წარმოდგენილი ტარიფების შესაბამისად ეთერში გაშვებული წუთების მიხედვით.

5. მიღება-ჩაბარების წესი

5.1. გაწეული მომსახურება შემსყიდველის მიერ ჩაითვლება მიღებულად საგადასახადო დოკუმენტაციის ან/და მიღება-ჩაბარების აქტის მხარეთა მიერ ხელმოწერის შემდეგ.

5.2. შემსყიდველის მხრიდან საგადასახადო დოკუმენტაციაზე ან/და მიღება-ჩაბარების აქტზე ხელმოწერი უფლებამოსილ პირს წარმოადგენს-სამტრედიის მუნიციპალიტეტის გამგებელი და სამტრედიის მუნიციპალიტეტის გამგეობის საზოგადოებასთან ურთიერთობის სამსახურის უფროსი

6. მომსახურეობის გაწევის ადგილი და ვადა

6.1. მომსახურეობის გაწევა (სოციალური რეკლამის მომზადება) უნდა განხორციელდეს „შემსყიდველი“-ს მითითებით.

6.2. მომსახურება გაწევა უნდა განხორციელდეს ხელშეკრულების ძალაში შესვლიდან და დასრულდეს 2016 წლის 31 დეკემბრამდე, „შემსყიდველი“-ს მიერ მითითებული პერიოდულობით.

6.3.

7. მხარეთა უფლება-მოვალეობები

7.1. შემსყიდველი უფლებამოსილია

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების ინსპექტირება;

7.2. შემსყიდველი ვალდებულია:

ა) უზრუნველყოს გაწეული მომსახურეობის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.3. მიმწოდებელი უფლებამოსილია მოსთხოვოს შემსყიდველს გაწეული მომსახურეობის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

ა) მომსახურეობის გაწევა უზრუნველყოს ხარისხიანად.

ბ) სოციალური რეკლამის დამზადება უზრუნველყოს უფასოდ, ხოლო ეთერში გაშვება მოახდინოს ყოველ თვეში ხელშეკრულების საგანში ასახული ფასის შესაბამისად.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს სამტრედიის მუნიციპალიტეტის გამგეობის საზოგადოებასთან ურთიერთობის სამსახურის უფროსი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების გაწეული მომსახურეობის ხარისხის კონტროლს

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის.

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაცილებულ დღეზე შეუსრულებულებელი ვალდებულების 0,5%-ის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ათი)%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა მ/შ შეწყვეტა შესაძლებელია მხოლოდ წერილობითი ფორმით, მხარეთა შეთანხმების საფუძველზე და სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

10.2. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.3 მხარე ვალდებულია არანაკლებ 2 დღით ადრე წერილობით ან კომუნიკაციის ელექტრონული საშუალებების მოყენებით შეატყობინოს მეორე მხარეს 10.2. პუნქტით გათვალისწინებული გადაწყვეტილების მიღების განზრახვის თაობაზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესბამისი მხარე არ გათავისუფლდება ნაკისრი ვალდებულებებისაგან.

11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

12.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლება მოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის საკრებულოს თავმჯდომარის ხელმოწერის თარიღიდან და მოქმედებს 2017 წლის 31 იანვრამდე.

14. მხარეთა რეკვიზიტები

შემსყიდველი:

სამტრედიის მუნიციპალიტეტის
საკრებულო.

ქ. სამტრედია რესპუბლიკის ქ.#6

საინდ/კოდი 238769025

მიმწოდებელი:

შ.პ.ს. ტელერადიოპრესკომპანია „ზარი“

ქ. სამტრედია, ჯავახიშვილის ქ.#8

საინდ/კოდი 238732207

ს.ს. „რესპუბლიკა ზანკა“ სამტრედიის
ფილიალი, ბანკის კოდი 220101029
ანგარიშის# GE65BR0400000036080030

„ _____ „

ხელმოწერის თარიღი